

重脩浙江通志稿

第四十六册上
著述

1
4
6
9
10
11
12

重脩浙江通志稿

第四十六冊上
著述

七星集無卷數

宋子房于五子壁于清穆于世封于正封同撰

崇焉浦江人有學行尤長於文詞會五季之亂抗志不仕以布衣終子房為文有父風而精簡過之中嘉祐四年進士官至尚書屯田員外郎通判應天府南京留守司房先立壁皆舉進士於鄉房弟清穆去為浮屠亦以文鳴房諸子世封著有易書詩傳四十卷正封著有春秋三傳是非說二十卷已載經部有方豪者嘗受學世封輯其家三世能文者七人為七星集載浦江志及金華經籍志今佚

後典麗賦四十卷

宋唐仲友撰

案仲友已載經部孝經類直齋書錄云仲友以詞賦備於時此集自唐末以及本朝盛時名公所作皆在焉止於紹興間先有王咸集典麗賦九十三卷故此名後典麗賦王氏集未見此書亦佚

東萊集注觀瀾文集六十三卷

宋呂祖謙撰

案四庫未收書目云觀瀾集注三十卷宋林之奇編呂祖謙集注之奇有尚書金解祖謙有古周易四庫全書已著錄是編宋史藝文志著錄從宋本影鈔其半甲集二十五卷自屈平以下六十五人乙集五卷自楊雄以下十九人分類編輯祖謙集注多本舊注如騷經文賦閑居賦即用五呂注釋據拾

精核足與之奇書相輔而行也。胡宗憲曰：此書分甲乙丙三集。甲二十五卷，乙二十五卷，丙二十五卷。宋史藝文志云：六十三卷。阮元研經室藏本僅三十卷。錢琴銅劍樓僅二十卷。宋史藝文志云：六十三卷。今京師國書館藏有元刊本七十卷。六卷為歸安姚氏書。此外各書目未見。今東陵方功惠彰南宋末年刻本七十卷。凡賦詩歌行本引論記書習表諸傳贊歲頌碑銘遂篇分類以惠後學。東萊先生為之集注。作前後集刊行。

呂氏家塾增注三蘇文選五十九卷

宋呂祖謙撰

案天祿琳瑯書目云：三蘇人各為編。蘇洵十一卷，蘇軾二十六卷，蘇轍二十二卷。編各分體加以點抹於題下。標注主意與蜀本及文粹篇目並異。金華經籍志云：近人所印宋元書影內有兩葉標題。呂氏家塾增注三蘇文選次行題東萊先生呂祖謙伯恭遜選第三行題建安蔡文于行之增注卷一為老泉上仁宗皇帝書卷二為東坡上神宗皇帝書卷四為東坡御試科策卷五為穎濱御試制科策每葉二十八行，每行二十五字，小楷極精。又宋史藝文志別有蔡文子注三蘇文選十二卷，豈蔡注別行耶？

麗澤集詩三十五卷，集文十卷

宋呂祖謙撰

案鐵琴銅劍樓書目云：麗澤集詩三十五卷，宋刊本不著編輯姓氏，亦無序跋。方虛谷謂呂成公所纂，蓋因成公有麗澤集說也。凡樂府又選陶靖節沈佺期杜子美等若干卷，不備錄續增歷代奏議麗澤集文十卷，附關鍵一卷。宋刊本不著撰人名氏，案卷末附關鍵乃成公所作，則亦成公編集也。凡西

漢至唐五代若干卷不備錄行數字數同上。臣貞桓構慎等字缺筆而敦廓
擴俱不關當是光宗以前刊本。金華經籍志又云祖謙又有東萊集詩
二卷見宋史藝文志今佚疑別有壹本
宋文鑑壹百五十卷 宋呂祖謙撰

一案四庫提要云祖謙有少周易已著錄。孝心傳建炎以來朝野雜記傳臨安
書坊有所謂聖宋文海江鈔所編。孝宗得之命本府校正刊板。周必大言其
去取乖謬遂命祖謙校正取祕府及士大夫所藏諸家文集旁采傳記他書
凡六十一門有詆及祖宗政事不可示後世乃命崔敦詩更定增損去留。凡
數十篇然不果刻此本不著為祖謙原本敦詩改本朱子語錄傳文鑑收蜀
人呂陶論制師服一篇為敦詩所刪。此本六十一卷仍有此篇則非敦詩改
本矣。祖謙此書當時頗鑠於眾口。孝宗寶錄載張栻時在江陵與朱子書曰
伯恭好微精神於間文字中何補治道何補後學。朱子語錄記其選錄五例
亦微論其去取有未當此書所載論政論學之文不一而足。安得謂之無補
栻殆未見其書。陳振孫書錄解題記朱子晚年語學者曰此書篇篇有意所
載奏議亦當時政治大節。祖宗二百年規模與後來中變之意盡在其間。非
選粹比然則朱子亦未始非之殆日久論定歟。金華經籍志云此書有宋刊
本嘉靖間晉翻刊本

古文關鍵二卷

宋呂祖謙撰

案四庫提要云祖謙取韓愈柳宗元歐陽修曾鞏蘇洵蘇軾張耒之文凡六十餘篇各標其命意布局之要示學者門徑故謂關鍵卷首冠以總論看文作文之法宋史藝文志載是書作二十卷今卷首所載看諸家文法王安石蘇轍李廌秦觀晁補之諸人俱在論列而其文無一篇錄入似此本非全書然書錄解題所載亦祇二卷與今本卷數合知全書實止於此宋志誤增十字也此本為明嘉靖中所刊前有鄭鳳翔序別一本旁有鈎抹之要而評論則同考陳振孫謂其標抹註釋以教初學則原本實有標抹此本蓋刊板時不知宋人讀書於要處多以筆抹不似今人之圈點以為無用刪之矣金華志云今京師圖書館有明嘉靖刊本崑山徐氏江蘇書局並有刊本與讀書齋本同

文章續古三十卷文章復古七十卷源洛文統二百卷正始之音七卷紫陽詩類五卷五先生文粹一卷勉齋北溪文粹無卷數

宋王柏撰

案柏已見上經類文章續古至紫陽詩類五種見吳禮部集何王二先生行實五先生文粹見萬卷堂書目宋史藝文志補今俱佚勉齋北溪文粹有跋載魯齋王文憲公集係勉齋黃先生文粹三十篇北溪陳先生文粹三十一篇經說十五篇金華後學王柏編集附雜著四十餘章北山何先生亦嘗增

定焉。又僞勉齋辭嚴任重，充拓光明，而通釋尤為淵奧。北溪辭暢義密，剖析精微，而字義為楷梯，皆所以為後學津梁，以達於紫陽之寶云。

續唐絕句無卷數

宋時少章撰

案少章有周易卦贊已見經部。金華經籍志云：此書見吳禮部詩話於洪景盧萬首唐人絕句外，復得千二百篇輯而續之，今佚。

坡門訓唱集二十三卷

宋邵浩撰

案四庫提要云：浩字叔義，金華人有。張叔禧序及浩自作引云：紹興戊寅，浩年未冠，肄業成均，隆興癸未始得第，以歸。因取兩蘇公兄唱弟和及門下六君子平日屬和兩公之詩，據錄之曰：蘇門訓唱。浩熙已酉，浩官豫章，臨江謝公為作序，且更曰：坡門訓唱。前十六卷為賦詩，而轍及諸人和之，次轍詩四卷，次黃庭堅、秦觀、晁補之、張耒、陳師道等詩三卷，亦錄賦及諸人和作。惟李廌闕焉，其不在八人之數，別有從和皆附入為注，以別之大抵同題共韻，比而觀之，可以知其才力之強弱與意旨之異同，較之散見諸集，易於互勘。詩藝者亦深有裨也。

金華經籍志云：天祿琳瑯書目以坡門訓唱為邵浩編，且海堂劉氏有仿宋紹興刻本，紹興作義，則作詣，為是檢各書無作詣者，王作紹興與四庫提要說正，昭合。

發遣三昧十卷

宋王柏撰

案金華經籍志云此本見吳禮部何王二先生行實自序偁姑溪李端叔二尺牘東坡謂得發遺三昧釋氏之妙語若與之實少之因見小姪編類尺牘偶有姑溪三昧集出以示之又為傳采韓歐蘇黃而下分十卷稍廣其見聞云又行實作二十五卷與序稍異今佚

華川文派錄六卷

宋黃應餘撰

案應餘有義烏咸淳續志無卷數已載史部此書見宋史藝文志補今佚宋濂序偁自宋忠簡至黃中輔喻良弼何恪陳炳各編其精者十餘篇聚於一書傳藻校讐豫章張允誠刊置縣庠

漁洛風雅六卷

宋金履祥撰

案四庫提要云履祥有尚書表注已著錄是編乃至元而申履祥館於韓良瑞家齊芳書舍所刻原本選錄周程至王柏王偁等四十八人之詩冠以漁洛詩派圖但以師友淵原為統紀初不分類例良瑞分詩銘箴賦贊詠四言者為風雅之正楚詞歌騷樂府韻語為風雅之變五七古則風雅再變絕句律詩又風雅之三變其見所作序中自是編出而道學之詩與詩人之詩千秋楚越矣夫德行文章孔門分為二科儒林道學文苑宋史別為三傳以漁洛之理責李杜李杜不能爭天下亦不敢代為李杜爭然而天下學詩者終

字李杜不宗漁洛此其故可深長思矣

金華經籍志編此書有明宏治庚申南山翁有重刊本未見

月泉吟社一卷

宋吳潛撰

案四庫提要云渭字清翁號潛齋浦江人嘗官義烏令入元後退居吳漢立月泉吟社至元丙戌丁亥間徵賦春日田園雜興詩限五七定律體以歲前十月分題次歲上元收卷收二千七百三十三卷延方風謝翱吳思齊評其甲乙選二百八十人以三月三日揭榜此本僅載前六十人共詩七十四首又附錄句圖三十二聯而第十八聯佚其不蓋後人節本非完書也李東陽麓堂詩話曰元李國初東南士人重詩社今世所傳惟浦江吳氏月泉吟社取羅公福為首所刻詩以和平溫厚為主無甚警拔而卷中亦無能過之者云云則風等所定東陽固以為允矣

金華經籍志云此書有明嘉靖本毛子晉托以校刊凡二卷又有金華叢書本

樂府類編一百卷

元吳萊撰

案萊有淵類集已載集部

此書見元史藝文志補今佚

元史藝文志補載萊有楚漢正聲二卷集

宋王司馬相如楊雄柳宗元四家賦今佚

繡川二妙集無卷數

元傅野陳景文同撰黃潛編

案金華經籍志云金華黃先生文集繡川二妙集序謂景文之詩精切整暇如清江漫流一碧千里而魚龍光怪隱見不常莫得而測也景傳之詩涵肆

彬蔚如奇花瓊木洪纖高下雜植各園終日翫之不厭也元史藝文志補曾著錄未見

文章正原十五卷經緯文宗古賦正音無卷數浦陽文藝錄八卷

明宋濂撰

案金華經籍志云文章正宗僅三家卷一卷二為孟子二十九章卷三至卷八為韓昌黎文五十二篇卷九至十五為歐陽永叔文五十四篇有景泰四年趙同魯識語是書尚無刻本今佚經緯文宗古賦正音見鄭濤撰宋先生小傳亦佚浦陽文藝錄有王禕序偁浦陽山川清峻名人間生其文往往往緯俗經邦有關世教景濂總古今得若干首為內篇而他邑之人文為浦陽而作是為其鄉土黼黻者得若干首為外篇未見

麟溪集二十二卷別篇二卷

明鄭太和撰

案四庫提要云大和字順卿浦江人世所偁為義門鄭氏是集成於元至正十年哀輯宋以來諸家題贈詩賦及碑志序記題跋之類為表揚義門而作者共為一編前十卷以十千計後十二卷以十二支紀別篇二卷則續入者前有潘庭堅程益二敘王禕後序其曰麟溪者鄭氏所居在婺州東二十八里地名麟溪也

續文章正原四十卷聖朝文集文章正原無卷數

明鄭柏撰

案柏有金華賢達傳已載史部嘗采孟韓歐陽之文為文章正原朱明齋產為刊於義塾未見續文章正宗載明史藝文志近古齋絳雲樓書目

續文類五十卷

明鄭淵撰

案淵有遂初齋稿已載別集部此書見明史藝文志一作七十卷佚

國朝文纂四十卷

明王楙撰

案楙有青岩類稿已載別集類此書載明史藝文志未見

接賢文軌四卷拾遺一卷

明戚繼撰

案雄有易原已載經部四庫提要云是編以金華文統去取未當乃取其鄉先輩潘良貴范浚呂祖謙陳亮唐仲友夏明誠何格時少章何基王柏柳貫金履祥許謙吳師道胡助黃潛吳萊宋濂王禕胡翰戴良馮宿陳樵二十三人之文錄之大旨謂宗澤梅詢以忠義功業顯不必取其尋常酬贈之作唐仲友雖與朱子為難而善不可沒持論皆切當然所載文章惟祖謙佚老堂記為本集所無其他亦不出習見之作也

鄉哲遺珠集四卷

明郭潤卿撰

案潤卿名無考蘭溪人此書亦佚蘭溪志總籍僅載鄭瑾序云蓮卿郭潤卿好吟詠自唐宋元明出於蘭溪所著詩文有遺落者雖單詞隻語亦勤搜詩

詩文各二卷名鄉哲遺珠集欲後人觀名思義寶之勿失墜也

明百家文苑八十卷

明王乾章撰

案乾章有浪游集已載集部此書載天一閣書目今佚

柳黃同聲集二卷

明杜桓撰

案桓有尚儉齋文集已載別集部四庫提要云是編刻於宣德乙酉以柳貫黃潛皆其鄉人因采貫延祐庚申以國子助教分教上都詩三十二首至治癸亥考試進士於上都時詩九首潛至順辛未以翰林應奉扈從上都詩十二首合為一集其時潛集未刻所載虞集諸題跋較貫詩獨詳云

明詩正聲無卷數

明應廷育撰

案廷育有周易經解已載經部此書載永康縣志未見

金陵風雅四十卷

明姚汝循撰

案汝循有屏居集浪游集耕餘集已載別集此書見國史經籍志佚

章氏三堂集錄無卷數

明章竊撰

案天一閣書目云嘉靖三年太平知府金華章刻其伯祖章懋父章拯族父章述兄章邁所著奏疏及詩文總名章氏三堂集錄未見

增補六朝詩彙一百十四卷

明王宗聖撰

案宗聖有權政記已見史部此書載國史藝文志天祿琳瑯書目據云標題并列張譙王宗聖兼署姑蘇陸師道授正而金城又傳鄆西張子雅意哀采積累成編賓湖王子復裨益之人凡五百有奇卷百有十四託西湖陸子為之校讐刻於蘇郡云

正聲類編無卷數 明楊希撰

案芾有百一稿已載部此書見金華先民傳係輯元時名公樂府諸作

石洞遺芳二卷 明郭鉄撰

案四庫提要云缺金華人始末未詳石洞山在東陽邑治之南宋淳熙中邑人郭欽止築書院於洞旁延師訓子弟一時名儒如呂祖謙魏了翁葉適輩皆主講其中山水名勝陸游陳傅良等亦多題詠缺為欽止裔孫正德中取當時碑刻題詠及志銘狀序哀挽諸作彙成此編金華縣志云是書係日也曰芳紀名人之記叙也曰芳澤芳賢之箋翰也曰芳傳後後之廣和也曰芳緒宗祖之心緒也胡鳳丹曾依郭氏本付刊並纂考異一卷附諸卷末

雲洞山房集三卷

案志舉字汝邁蘭溪人已見史類四庫提要云雲洞山在蘭溪東南十五里為金華山分支萬曆初志舉自嶺南悔歸得真地建祕書樓三山齋六虛堂諸勝標為十二景賓客競相題詠暨志舉為南京吏部侍郎乃哀而刻之

皇明詩選無卷數

明趙祖點撰

案祖點字宗興東陽人官州判此書載金華詩錄尚有東陽文獻錄增定金華文統補輯鄭柏賢達傳咸未見

皇明詩統三十卷

明明應麟撰

案應麟有少室山房筆叢等書見上此書載金華徵獻略佚

華川文滙錄無卷數

明金江撰

案江有續綱目書法已載史部此書載金華府志未見

蘭溪歷朝詩十二卷蘭皋風雅十二卷

明江伯容撰

案伯容字有董蘭溪人萬歷間築室澁濱之東曰青蘿館經誦其中有青蘿館集六卷見蘭志經籍此書見蘭溪人物考蘭皋風雅亦選錄蘭人自唐訖明之作據金華經籍志係有崇禎十四年自序乾隆間五世孫用璋重編仁和杭世駿為之序

明詩正範三十六卷

明吳之文撰

案之文字叔簡義烏人此書載義烏縣志未見

北山紀游詩文一卷

元輝禪師撰以下方外冊

案輝禪師居靈源草堂此書見吳禮部集北山游卷跋係葉審言黃晉卿吳

正傳張子長釋無一所作。自至大庚戌距至順癸酉二十四年間。凡屢游五
人者不必俱而游必有作。今佚。

八詠樓詩紀三卷

明楊道可撰

案道可字南峰。金華人。為寶婺觀道士。以休文八詠作者。踵起與其徒胡元
範旁搜遠紹。筆以成書。上自休文。下迄近代。凡有作及於樓者。靡有遺見。宋
文憲集八詠樓詩紀序

金華文徵續編續金華詩錄無卷數

清胡鳳丹撰

案鳳丹已載史部地理類。此書載永康志本傳。未見

文館詞林十卷

唐許敬宗等撰

以下總集類

案四庫未收書目提要云。文館詞林四卷。唐許敬宗等奉敕撰。敬宗字延族。
杭州新城人。官至太子少師。咸亨初。以特進致仕。事具唐書。姦臣傳。王溥唐會
要云。文館詞林一千卷。與唐書文藝志卷帙合。又云。崔元暉注文館詞林策
一千卷。雜傳類載文館詞林文人傳百卷。宋史藝文志載文館詞林詩一卷。
崇文總目載文館詞林彈事四卷。皆全書中一類。是編僅存六百六十二及
六十四。六十八。九十五。四卷。皆漢魏以來詔令。日本人用活字版擺印。杭志
藝文云。近人黎氏叢書續得六卷。不知為何類也。

華林義書堂詩集一卷

宋錢惟演王欽若等撰

崇惟演有擁旄前後集伊川集漢上集西崑倡訓集已見別集類此書舊通志列目

古文苑二十一卷

宋章樵撰

崇樵有補春秋繁露十八卷已見經部春秋類此集選秦漢以下稀見文字如詛楚文石鼓文及王褒僮約之類分體編次往往從石本或佛藏道藏逐錄既備淵覽之資間資考証之用後來孫星衍續其書則益臻美備矣

兩宋名賢小集三百八十卷

宋陳思撰

案四庫提要云此本舊題宋陳思編元陳世隆補思有寶刻叢編已著錄此編所錄宋人詩集始於楊億終於潘音凡一百五十七家有紹定三年魏了翁敘及國朝宋彝尊二跋考了翁序與寶刻叢編序字句不易偽託無疑彝尊跋謂是書又稱江湖集案刊江湖集乃陳起非陳思江湖集所載皆南渡以後之人是書起自楊億宋白二書迥異彝尊誤合為一紕繆殊甚然彝尊曝書亭集有宋高菊磎遺稿序述陳起罹禍事未嘗混及陳思集中亦不載此跋當由後人依託為之又跋內稱陳世隆為思從孫於思所編六十餘家外增百四十家稿本散逸曾溶復補綴之亦不足信然宋人遺稿藉是以舊